







SOALAN-SOALAN LAZIM

PENUTUPAN SISTEM MBRS BAGI SERAHSIMPAN DOKUMEN BERKANUN SYARIKAT YANG TERLIBAT

BIL	SOALAN	JAWAPAN
1.	Bilakah tarikh penutupan sistem MBRS bagi serah simpan dokumen berkanun syarikat?	Penutupan sistem MBRS adalah bermula dari 14 September 2024 – 22 September 2024. Ini adalah bagi memberi laluan untuk kerja-kerja menaik taraf sistem MBRS 2.0.
2.	Adakah syarikat masih dikehendaki menyerah simpan dokumen berkanun walaupun sistem MBRS ditutup?	Tiada keperluan untuk syarikat menyerah simpan dokumen berkanun* yang biasanya dilakukan melalui sistem MBRS. Serah simpan dokumen hanya perlu dibuat melalui MBRS 2.0 setelah sistem kembali beroperasi. *Sila rujuk soalan 3.
3.	Apakah dokumen berkanun syarikat yang terlibat bagi serah simpan ketika penutupan sistem MBRS ini?	Kesemua dokumen mandatori berkanun syarikat yang terlibat di bawah serah simpan sistem MBRS termasuk: (i) Penyata Tahunan (PT); (ii) Penyata Kewangan dan Laporan (PK) Beraudit atau Tidak Diaudit; (iii) <i>Exempt Private Company</i> (EPC); dan (iv) Permohonan pengecualian atau lanjutan masa bagi PT atau PK (EA).
4.	Bagaimanakah sekiranya terdapat keperluan mendesak untuk serah simpan dokumen berkanun ketika sistem MBRS ditutup?	Sekiranya terdapat keperluan mendesak serah simpan dokumen boleh dilakukan melalui serahan kaunter.

BIL	SOALAN	JAWAPAN
4.	Adakah syarikat yang terlibat akan dikenakan fi lewat serah simpan apabila sistem MBRS ini kembali beroperasi?	SSM akan memberikan tempoh pengecualian fi lewat serah simpan hanya kepada syarikat yang terkesan* akibat tempoh penutupan sistem MBRS ini. Syarikat yang terkesan berikutan penutupan sistem MBRS ini adalah bagi serah simpan dokumen PT bermula pada tarikh ulang tahun 08 Ogos 2024 sehingga 17 Ogos 2024 tidak akan dikenakan fi lewat serah simpan sehingga tempoh munasabah iaitu pada 30 November 2024. *Sila rujuk soalan 5.
5.	Apakah definisi syarikat yang terkesan daripada penutupan sistem MBRS ini?	Syarikat yang terkesan adalah syarikat yang mana tarikh ulang tahun serah simpan PT bermula pada 08 Ogos 2024 sehingga 17 Ogos 2024 mengikut peruntukan seksyen 68 dan 576 Akta Syarikat 2016 (AS 2016) jatuh dalam tempoh penutupan sistem MBRS.
6.	Berapa lamakah tempoh pengecualian fi lewat serah simpan ini akan diberikan melalui sistem MBRS?	Tempoh pengecualian fi lewat serah simpan ini akan bermula pada 14 September 2024 sehingga tempoh munasabah iaitu pada 30 November 2024.
7.	Bagaimanakah syarikat ingin menyerah simpan semula dokumen berkanun yang telah dikueri melalui sistem MBRS dalam tempoh penutupan sistem MBRS ini?	Dokumen berkanun syarikat yang telah dikueri melalui sistem MBRS perlu menggunakan MBRS Tool 2.0 (mTool 2.0) dan fail zip tersebut perlu dijana semula sebelum serahan dilaksanakan di dalam MBRS Portal 2.0 (mPortal 2.0) ini.
8.	Sekiranya serah simpan PT telah dilakukan melalui kaunter namun dikueri oleh pihak SSM, bolehkah syarikat melakukan serah simpan dokumen pembetulan tersebut melalui sistem MBRS apabila ia beroperasi semula?	Syarikat yang telah dikueri melalui serahan kaunter hendaklah meneruskan serahan pembetulan dokumen berkanun tersebut melalui serahan kaunter.

BIL	SOALAN	JAWAPAN
9.	Bagaimana syarikat ingin membuat permohonan pengecualian atau lanjutan masa serah simpan dokumen berkanun atau <i>Change of financial year end</i> ketika sistem MBRS ditutup?	Syarikat boleh memohon pengecualian atau lanjutan masa serah simpan PT dan PK atau <i>Change of financial year end</i> melalui serahan kaunter. Sila layari https://www.ssm.com.my/Pages/Legal_Famework/Companies-Act-2016.aspx untuk mendapatkan format dokumen berkanun sebagai rujukan.
10.	Bagaimanakah sekiranya syarikat telah menyerah simpan dokumen rektifikasi melalui kaunter untuk pindaan dalam sistem MBRS 1.0 dan belum mendapat kelulusan bagi <i>Rectification Application</i> ? Bolehkah syarikat meneruskan serah simpan dalam MBRS 2.0?	Syarikat disarankan untuk menyerahsimpan Dokumen Seksyen 602 AS 2016 dan <i>Statutory Declaration (SD)</i> semula melalui MBRS 2.0 dengan bayaran RM300.00 seperti yang diperuntukkan di bawah Jadual (Peraturan 8) Fi, Peraturan-Peraturan Syarikat 2017. Namun, sekiranya syarikat masih ingin meneruskan serahsimpan dokumen pindaan di kaunter, sila maklumkan secara bertulis di dalam surat iringan (<i>cover letter</i>) berserta Dokumen Seksyen 602 AS 2016 dan <i>Statutory Declaration (SD)</i> bersama bayaran RM300.00 serta dokumen pindaan PT atau PK tersebut bagi tindakan Pegawai SSM selanjutnya. Permohonan bayaran balik boleh dilakukan bagi permohonan yang telah diserah simpan melalui MBRS 1.0 di pautan https://www.ssm.com.my/bm/Pages/Refund/Refund.aspx. 1. Permohonan Rektifikasi bagi PT di dalam mTool 2.0 adalah seperti berikut: 

BIL	SOALAN	JAWAPAN
		 2. Permohonan Rektifikasi bagi PK di dalam mTool 2.0 adalah seperti berikut:  
11.	Sekiranya syarikat telah mendapat kelulusan <i>Rectification Application</i> melalui MBRS 1.0, bagaimanakah syarikat ingin menyerah simpan dokumen pindaan tersebut melalui MBRS 2.0?	Dokumen pindaan perlu diserahkan simpan melalui sistem mPortal 2.0 setelah kembali beroperasi. Walau bagaimanapun, fail zip tersebut perlu dijana menggunakan mTool 2.0 semula.

BIL	SOALAN	JAWAPAN
12.	Adakah syarikat akan dikenakan tindakan kompaun atas kelewatan menyerah simpan dokumen berkanun akibat penutupan sistem MBRS?	Pengecualian kompaun akan diberikan hanya kepada syarikat yang terkesan dalam pematuhan peruntukan AS 2016 akibat serah simpan yang tidak dapat dilakukan pada tempoh serahan sepatutnya akibat penutupan sistem MBRS. Adalah diingatkan agar syarikat tidak menangguhkan serah simpan dokumen berkanun* apabila sistem MBRS 2.0 kembali beroperasi yang akan dimandatorikan semula sepenuhnya pada 1 Disember 2024. *Sila rujuk soalan 3
13.	Adakah latihan berkaitan MBRS 1.0 masih relevan selepas sistem MBRS 2.0 beroperasi semula?	Pengguna dinasihatkan untuk mengikuti latihan berkaitan MBRS 2.0 mengikut jadual yang ditawarkan oleh pihak Akademi Latihan SSM / COMTRAC.
14.	Apakah yang akan terjadi bagi pemegang sah <i>Digital Certificate</i> yang masih aktif?	Tempoh sah <i>Digital Certificate</i> adalah masih mengikut tarikh luput yang asal.
15.	Apakah yang perlu dilakukan sekiranya tempoh sah <i>Digital Certificate</i> tamat dalam tempoh penutupan sistem MBRS?	Pemegang <i>Digital Certificate</i> dinasihatkan untuk memperbaharui sijil melalui https://mycrs.posdigicert.com.my/ .
16.	Apakah <i>browser</i> yang bersesuaian untuk mengakses MBRS?	Paparan terbaik adalah dengan menggunakan <i>Mozilla Firefox</i> dengan resolusi 1024 x 768.
17.	Apakah keperluan mandatori bagi penggunaan MBRS 2.0?	Setiausaha syarikat perlu mematuhi peruntukan sekyen 241 Akta Syarikat 2016 yang berkuatkuasa mulai 15 Mac 2019 berkaitan sijil Perakuan Amalan Setiausaha Syarikat bagi penggunaan MBRS Portal 2.0. Sila layari https://www.ssm.com.my/Pages/eSecretary.aspx untuk pendaftaran dan maklumat lanjut.

Tarikh Kemaskini: 14 September 2024